

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 76 (1991)
Heft: 3

Artikel: Futurum exactum
Autor: Indergand, Elvana
DOI: <https://doi.org/10.5169/seals-881875>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>

F U T U R U M E X A C T U M

Legendas: Elvana Indergand

Enten gliez temps stevan monstrusas ruinas d'investiziun ellas alps, mirs da fermada ch'eran d'entrai unfrendas dall'erosiun, e per la cuntrada eran sterna mellis e mellis meters cubic da betun. Las pastiras eran carschidas en cun caglias e flurs striauna. Las plauncas eran co-schnas dil sulegl. Ils lags artificiali eran senza in daguot aua.

Tgei era schabegiau?

Ei deva buca energia atomara pli, perquei ch'ils problems gigantics dils rumians radioactivs eran buca sligibels. Ils implants da retractament eran surdumandai e danvonz perquei che la produziun dad armas atomaras era vegnida sistida ed ils magasins da rumians retractai mavan surora. La NAGRA, impotenta en vesta alla problematica ardenta ed aunc adina senza deponias concretas, veva pretendiu ch'ins desisti immediatamein dalla energia atomara.

Surrein, ils 30.04.1920



Zervreila



Entochen la mesadad da nies tschentaner era l'aua smatscha permanenta. Suenter gl'unviern vegneva il favugn che luentava la neiv. Inundaziuns, arschella e glera destruevan la tiara. Quels dalla Bassa vevan fatg amogna daners per astgar regular l'aua. Ed ils muntagnards, che vevan dau neu ella, festivavan las empremas ovras, ils

mirs ed ils rempars. Quei era il progress tecnic. La pesca da scaruns, sco cheu sin quella fotografia ils onns 20 e 30 a Surrein, nua che la fom sfurzava ils fraudaders, la strola sut il tschiep, alla riva dil Rein, ei oz legendar. Gia daditg ein els morts era entochen alla fontauna dil Rein. Era las litgivas e las litschallas. L'aua tartignada, ils rempars nun-



surventscheivels dallas ovras hydraulicas ed il funs da glietta vevan fatg il lur. L'aua che vegneva da tuttas uras e cun gronda forza ord ils lags artificial veva magliau or ils davos loghens da fregar.


L'utilisaziun dall'aua currenta sco fontauna d'energia per las rodas mulin ei ina gronda prestaziun tecnica ch'ha giu ina renaschientscha alla fin dils onns 90. Ils mu-

lins ein daventai loghens da sentupada per da tutta glied dil marcau e dalla tiara. Ils muliners vegnan suspectai, perquei ch'ils mulins spatitschai ein bein adattai per radunonzas secretas. Buc senza raschuns. Ils pigns vevan priu ils pigns orda sac per cumbatter ils gronds. Don Quijote, encuraschau da sias exprientschas ch'el veva fatg ella Mancha, era seligliaus cun la mulinera

Verena. Sut il motto «senza aua negina veta» vevan ils muliners da tuttas tiaras fundau ina Task Force verda ch'era specialisada da dismetter las ovras hydraulicas per liung dils flums ch'eran daventadas anacronisticas. Igl uffeci federal per ambient, uaul e cuntrada che subvenziunescha quella lavur, ei actualmein el clinch cun il departement federal d'economia ch'ei aunc encunter quellas novaziuns.

Il model dalla davosa ovra electrica planisada en Svizra. Da vart dretga veseis Vus la centrala, nua che duas turbinas ein installadas, dasperas las treis portas dil rempar. Previ eran 5 da quels rempars denter Buchs e BERN el Principadi sin ina lunghezia da 27 kilometers. 1992 vevan ins entschiet a baghegiar l'emprema etappa dalla vart dil Principadi. La societad indigena per la protecziun dalla natira e l'uniun «Salvei il Rein», che veva la sedia ella Val dil Rein da Sogn Gagl, vevan denton tratg quei cass atras las instanzas entochen a Losanna e gudignau. La dertgira federala veva decidiu ch'ins stoppi immediat calar da baghegiar e disponiu che la ruina hagi ina valeta museala, stoppi perquei vegni mantenida per ils vegnantsunter sco exempel stermentont dalla surutilisaziun dallas auas.

Model dalla ovra electrica denter Buchs e BERN



CM, Dardin, 1910

